

बर' / BODO

(मावथारनो गोनां) / (Compulsory)

सम थिखानाय : थाम घन्टा

Time Allowed : Three Hours

गासै नाम्बार : 300

Maximum Marks : 300

सोंथि बिलाइनि थिखानाय बिथोन

सोंथि बिलाइखौ फिननायनि सिगां गाहायाव होनाय बिथोनखौ मोजाडै फरायः

गासैबो सोंथिनि फिननाय हो ।

फिननायनि नाम्बारा सोंथिनि उनाव होखानाय दं ।

फिननायखौ बर' (देवनागरी हांखो) रावजों आरो सोंथि बायदियै हो ।

सोदोवनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन ।

फिन बिलाइनि आगसिथिं बिलाइयाव थानाय लांदं बिलाइखौ मोजाडै दाननानै होनांगोन ।

Question Paper Specific Instructions

Please read each of the following instructions carefully before attempting questions :

All questions are to be attempted.

The number of marks carried by a question/part is indicated against it.

Answers must be written in BODO (Devanagari script) unless otherwise directed in the question.

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

Q1. गाहायाव होनाय आयदाफोरनि जायखिजाया मोनसेनि रनसाय 600 सोदोबजों लिर :

100

- (a) फोरजा खान्थि आरो दुंथिनि उदांसि
- (b) भारत-आव लोंग्रा दैनि आंखाल जासिगोन नामा ?
- (c) जनजातीय (Tribal) हारिमुनि संरेखाथि : नाजानाय आरो जानो हाथावना
- (d) खालि धामाया बांसिन गोमो

Q2. गाहायाव होनाय फरा खोन्दोख्वौ मोजाडै फरायनानै गाहायाव होनाय सोंलुफोरख्वौ रोखायै, गेबेडै आरो सुंदवै फिन हो :

12×5=60

बिजिरनायखौ थुनलाइनि मोनसे बाहागो होननानै गनायनाय जायो, मानोना बियो थुनलाइखौ गावनि बेंखनथिनि गेजेराव लाखिनायनि राहा लामा खालामो। थुनलायाव जेब्ला बेबेबा ऐबादि मुवा एबा आयदा सोसननाय जायो, जाय बिनि बिदैनि बोहैथियाव हेंथा खोलैयो, बिदियाव बैयावनो थुनलायनि हेंथाया हाबफैयो। बिदिनो जैरे मेथायाव बेबेबा बेसुरा रिसारा बेखौ गुबुंले खालामना होयो।

जोंनि थार साननायखौ फोरमायनायावनो गोजोननाय दं। गुबुंले साननायाथ दुखुखौसो हमदाडो। जानो हागौदि सोरबा सासे सुबुडा गुबुंले साननायनि गेजेरजोंनो रंजानाय मोननो हागौ। हिंसा खालामनानै एबा गुबुननि दोहोन सेखनानै एबा गावनि सार्थनि थाखाय मालायनि गाञ्चि मावनानैब्लाबो खायसे सुबुडा गोजोननाय मोननो हायो; नाथाय बेयो गोसोनि सरा सनसा मावथाय नडा। सिखावनि थाखाय सोरांनिखुइ खोमसिया जोबोर मोजांसिन। बेभाव सोरांनि देरगानायाव जेबो हेंथा गोलैया।

जाय साननायनि गेजेरजों जों गावखौ गुबुनजों गोरोब होनो हायो, बेनो गोगो साननाय, अननाया जोंखौ गुबुन मुवाजों गोरोबफाहोयो, अहंकारखौ जानगार खालामो। जेराव अहंकारा बारा जायो बियो मालायजों माबौरे गोरोबनो? जोबनायाव अनलायनायानो गोगो साननाय हनाय, अहंकारा गुबुंले साननाय हनाय।

सिबिनो थाखाय जेबो नुथायारि मुवानि गोनांथि गैया। अननायनि थाखायबो सोरबा सुबुनि गोनांथि गैया। धैर्य (गोसो हमथानाय) आरो साहसनि थाखायबो जोंनो जेबो मददनि गोनांथि गैया। गोसो होनो गोनाडा बेसोदि जोंनि साननाय हनायखौ फोजाखांनो थाखाय बिसोरनि बायजोयारि मुवाजों गोरोबलायनांगौ। मिथिंगायारि जाथाया जोंनि सायाव जेबो गोहोम खोलैयाब्ला; जों सोरनिबा फिसानि दुखुवाव गाबबाय थानायखौ नुनानैबो मेगननि थरथिंब्रे मोदै गहोनो हायाब्ला; जों बेबेबा रंजाफुथिलियाव गोरोबफानानै गोसो गोजोन होनो हायाब्ला; जों बेखौ मिथिनांगोनदि जों मुकित मोनबाय। बिदि थासारिनि थाखाय थुनलायाव जेबो बेसेनथि थाया। थुनलाइगिरिया भारै बेनो जायो जाय मुलुगनि सुखु-दुखुजों सुखु एबा दुखु जानो हायो आरो गुबुनफोरनि गेजेरावबो सुखु एबा दुखु बेरखांहोनो हायो। गावल दुखु मोननायानो थोजासे नडा। थुनलाइगिरिनियाव थुनलाइनि गेजेरजों बेफोरखौ बेरखांहोनो हानाय गोहो थानांगोन। नाथाय थासारिया

मानसिफोरखौ गुबुन फारसे लाना थाडो । मानसिफोरा साननाय हनायनि समानथि थायोब्लाबो थासारिया जुदा जुदा जानायनि थाखाय बिसोरनि मावथायफोराव गोहोम खोलैयो । जों आबादारिफोरजों थायोब्ला एबा बिसोरजों थाफानो खाबु मोनोब्ला; सरा सनस्त्रायै जों बिसोरनि सुखु-दुखुखौ गावनि सुखु-दुखु होनना सानना लागोन आरो बेयो बेसे गोहोम खोलैगोन बेसेबां जोंनि गोसोयाव साननाय हनाया थागोन । बिदिनो – गुबुन थासारिखौबो बुजिनांगौ/बेनि ओंथिखौ ऐबादि लानाय जायोब्ला – अमुक जिबिया आबादारिफोरनि एबा मावदांसाफोरनि (मजदुरफोरनि) एबा बबेबा सोमावसारनायनि फोसावनाय हाबा मावो बिदिब्ला बियो इनाय जागोन । थुनलाइ आरो फोसावनायनि गेजेराव मा फारागथि दं ? फोसावनायाव थामहिनब्ला गावखौ फोसावनाय गैयाब्लाबो मोनसे थि थांखिखौ जाफुंहोनायनि गोसो दुलुबखांनाया थायो जाय साननाय हनायखौ जेबो साना । थुनलाया गोजोन, बार खोलो खोलो, जाय बयनिबो गोसोखौ गोजोन आरो रंजाखांनाय होयो । फोसावनाया खाना, जाय जायखुम बिफांखौ गुहोयो, फिसा न' एबा दालान मोनखौबो मावलुहोयो । बियो बिदै गैयैनि थाखाय रंजानायनि मुवा जानो हाया, नाथाय जुदि मोजां लिरगिरिया बैयाव समायना आरो बिदै बेरखां होनो हायोब्ला; अब्ला बैबो फोसावनायल जाया लासै गोगो थुनलाइनिमुवा जागोन ।

- | | | |
|-----|---|----|
| (a) | बिजिरनाया थुनलाइनि बाहागो मानो जायो ? | 12 |
| (b) | गोगो आरो गुबुंले साननायजों मा मिजिंथिनाय दं ? | 12 |
| (c) | गोसोनि सरा सनस्त्रा मावथाया मा नडा ? | 12 |
| (d) | लिरगिरिनि बादिब्ला थुनलाइगिरिया सोर जायो ? | 12 |
| (e) | थुनलाइ आरो फोसावनायाव मा फारागथि दं ? | 12 |

Q3. गाहायाव होनाय खोन्दोनिप्राय थाम बाहागोनि से बाहागोजों मोनसे सुंदोब (Précis) लिर ।
सुंदोबखौ नोंनि रावजों लिर । बिमुं होनो नाडा ।

60

बे बाश्राखौ गोसोयाव लाखिनाया गोनांथार दि हिंसा खालामनाया सोरबा सासे ब्येक्तिजों जायो । बेयो जाहोन नडा दि जायखि जाया सुबुं जायफोरा माहाजोन, गुनगोनां एबा मानगोनां बिसोरखौ हिंसा खालामो । हिंसा जानाया फैयो जेब्ला जों फोथायो गुबुनफोरजों रूजुनानै एबा सोरबा गुबुन सासे जों रूजुनानै नायनायाव हिंसा जानो हागौ । हिंसा मोन्दांथिया बिसोरनि फार्से फैया जायफोर ब्येक्तिया जानगाराव थायो एबा आलादा जानानै दड आरो जेब्ला बेयो रोखा जायादि मानसिफोरा ज'यै जोंखौ नोजोर होगोन आरो रूजुगोन । काशीयाव थानाय सासे माहाजोन मानसिया ईउ'प्याव थानाय सासे धनी सुबुंनि बागै मिथिना हिंसा भाबया फैनाय नडा । सासे हिन्दि खन्थाइगिरिया सासे ईराजि खन्थाइगिरिनि नामजादा जानायखौ हिंसानि मोन्दांथि फैनाय नडा । हिंसा साननाया माबलाबा बांसिनै खुरपा-बाहागि, उन्दै समनि लोगो, थाखोनि लोगो आरो न'सुंसेफोरनि गेजेराव सोमजिनायखौ नुनो मोनो । उन्दै समनिप्रायनो जाय मानसिफोरा लोगोसेयै थाज्लाय लायनानै देरबोदोंमोन बिसोरनि गेजेरावबो गावजोंगाव सोरबा सोरखौबा दावगानायखौ लानानै हिंसा

जानायखौबो मोननो हादों । जदि सानै लोगोनि गेजेराव सासेवा मोजाडे जाफुंसार जाबाय आरो मोजां मासि आवग्रिनो हाबाय, अब्ला वे बेलायाव नुनो मोनो दि आरोबाव गुबुन बबेबा साबसिन मासिखौ आवग्रिनो दाहाथों बेखौसो लुबैनायखौ नुनो मोनो । गमामायै, मानसिफोरा गावनि जौगानायनि थाखोमाना थानाय हेंथाफोरखौ सडे सडे सोरबा सोरबा गावनि गोदेनि गोजाम लोगोफोरनिसिम सौहैयो । जाय समाव ज'यै गावजों – गाव आंगो सोमोन्दो खालामलायना गुबुनफोरखौबो ज'यै खौसे खालामो, अब्लाबो जों खालि जानो हाथाव गुन थानाय आरो हेफाजाबखौल लुबैया बेखानि हिंसा आरो बैरेखा साननायखौबो फसंनाय नुनो मोनो । जों गावनि माबा मोनसे नेम-खान्थिजों साबसिननिफ्राय हामसिन जानो हाथाव-थावखौ मावनांगौ आरो बेबायदिनो इयुन समनि सैथो नडेफोरखौ हेंथा होनांगौ; बेफोरबादिफोरखौ जेब्लाबो जानो होनो नडा । इयुन समनि सैथोखौ होबथानो हाया आरो फेजेननोबो हाया । जोंनि गासै गियान आरो बुद्धिजोंबो बेखौ उश्चिनो हाया ।

दा नोजोर होनांगौ बाश्राया बेनो दि हिंसानि मुलुकयाव हिंसा खालामग्रा आरो हिंसायारि आखुथाइनि उफ्रा समाजारि मान-सनमानयाव नोजोर होग्राफोरनि समाजखौबो गोनांथि दड । बेबादि समाजनि साननायाव गोहोम खोख्लैनो जुनैनो हिंसा खालामनाय जायो; धोन-सम्फथि, गुन एबा मान-सन्माननि इसिडारि महरजों मोनसेबो जातिखौ मिथिनो मोना; सुख-सान्ति एबा गोजोनखौ मोननो थाखाय नडा । धोन-सम्फथि एबा गुनयाव जों जायखिजायासोरबा सासे व्येक्तिनिल रंजानाय-गोजोननाय ओंथि फोरमाया, खालि गाववारि गोजोननाय आरो रंजानायखौल' बुडा, बेफोरखौ समाजाव मिथिहोनाय जायालासे थायो । 'जदिय' जों थारै माहाजोनसिन एबा गूनगोनांसिन जेरेइ सोरबाफोरबादि, नाथाइ जदि समाजा जोंखौ समान एबा गिदिरसिन होननानै बुजियोब्ला, अब्ला जों सुखियै थागोन आरो हिंसानि जोबोद गोथौ दुखु मोननायनिफ्राय बारग नो हागोन । बेयो जोबोर गोमोथाव बाश्रा दि मुवा – बेसादनि आंखाल थानानैबो जों समाजनि साननाय-हनायजोंल गोजोनै थायो । हिंसाया समाजारि जिउवाव मानसिया बानायनायजों सोमजिनाय मोनसे बिष । बेनि गोहोमाव जों गुबुननि जौगालांनायखौ नुनानै गावनि मोकथाडारि जिउवाव जेबो जायै खौ लाना जेब्लाबो दुखु जानानै थायो ।

सासे बिजिरगिरिया बिजिरसालियाव बिजिरनाय खामानि मावबो, मिस्थिफोरा ईटा बानायो । समाज-अनसायनाय बिजिरनायजों बिजिरगिरिया सरासनस्ता आखुजों मिस्थिनि सिगाडाव बेखौ दिन्थिनाया हामजाथाव नडा दि नों आंनिफ्राय दुइसिन होन्नानै । जाय समाजाव दुइसिन-देरसिननि गोगानाया जायगा जायगा दामायफबना गोरा जागोन, बेयावनो गुबुन गुबुन थाखोफोरनि गेजेराव हिंसाया गोजोरै गायसन जायो, आरो आफाद यारि गोहोनि जौगानायखौ जोबोर बाडाइ नुनो मोनो । जदि समाजाव गुबुन गुबुन जिउराहानि गेजेराव देरसिन-दुइसिन खौ लानानै दावराव-दावसि खालामा, जायफोरा मानसिफोरखौ थानानै थानायनि थाखाय मोजाडे अर्जिनायाव हेफाजाव होगोन, बदलै बेयो बायदि रोखोमनि फालांगिफोरखौ मान होगोन, समाजनि गेजेराव गोबांथार गोजोनगोयै बिथिंफोरखौ बोखारनो होगोन । जेराव गावजों-गाव फाराग सानायनि मोन्दांथिया गुवरै रायजोनि गेजेराव मिथिसार होजागोन आरो मानसिफोरनि आखुवाव रोखायै नुसारलायनाय जागोन अब्ला मानसिफोरनि गोहोया बबेबा मोनसे थि जायगायावल थांगोन आरो खामानि मावग्रा मावसालिया गोरोबथि गैयै जागोन ।

(सोदोबनि बिबां : 501)

Q4.

गाहायनि रायथाइ खोन्दोखौ इंराजियाव राव सोलाय :

20

नखर उद्य'ग आरो फिसर उद्य'गनि सावरायनाया दिनैनि भारत-आव खनसे आरोबाव बोलो खाप्राफिन्दों। बे रोखोमनि उद्य'ग फालांगिनि गुदियाव नखराव बानायनाय फिसा फिसा बायदि रोखोमनि खामानि मावनायनि बिथांखि हाबसोनानै दं, जेराव फिसा जायगायाव, एसेल थुबिल आरो मावनायजों गायसननानै जायखि जाया मानसियानो दिहुननायाव बाहागो लानानै गावनि सानफ्रोमबोनि जानाय लोंनायनि जेंनाखौ सुम्मानो हायो; हाबा गैजायिजों जुजिनानै सरा सनस्ता थाखोयाव गावनि जिवखौ खुंनो हायो। भारतबादि हादरनि थाखाय बिदि फिसा उद्य'ग फालांगिया मोजां जायो; बे खोथाखौ महात्मा गान्धीया उदांस्ति सोमावसारनायनि दिनावनो मिथिदोंमोन। बिथाडा उदां भारत-आव बिदि रोखोमनि दिहुनथाय खुलि गायसननो, दोरोडारि उद्य'ग – फोरखौ गोदान खालामफिननो थुलुंगा होदोंमोन। उनाव उदांस्ति मोनखांनानै जोंनि दैदेनगिरिफोरा बेनि फारसे जेबो गोसो होयाखैसे। गिदिर गिदिर उद्य'ग फालांगि बेयाव गायसन जाफैबाय आरो बेफोरबो मावनो हानाय मानसिफोरनि गावबा गावनि सम्पति जानानै भाषाय। ओजोंहाय बांनाय सुबुं अनजिमा, सोलोंथायनि गोसारनाय, सांग्रां जानाय, मोनथायखौ बिखनाय आरो सिनायथिनाय, हाबा गैजायिनि थादयि गोलाव लिष्ट – बेफोर गासैबो दिनैनि सांग्रां सानखांग्राफोरखौ गोसो खेलेंसा खालामो आरो गोबावैब्लाबो थार, हादरनि बे रोखोमनि बांब्रायनाय जेंनानिफ्राय बारगनो थाखाय गान्धीबादी बिबेखेवथिखौ बजबना लायो – जायजों बेयावनि नांगौखौ सुफुंनो हायो। फिथाइ बादियै दिनै हादराव नखर उद्य'गनि जेया जेरावबो गोसारनो हमबाय।

Q5.

गाहायाव होनाय खोन्दोखौ बर्याव राव सोलाय :

20

In our democratic system, the press has a vital role. While there has been large-scale expansion of the print and visual media in recent years, a focused approach to dealing with major societal and political issues has still to evolve. There is, as yet, excessive and exaggerated coverage of exposures and scandals and far too little well-informed comment or analysis of the various deep-rooted factors which generate the continuing malaise. The media could make an extremely useful contribution by devoting adequate coverage to tasks well done, highlighting the achievements of honest and efficient public servants and organizations, according special attention to developments in the remote and backward areas of our country. Our media is free and unfettered. It should be able to expose cases and incidents involving irregular and unlawful exercise of authority and abuses of all kinds. The existing ills in our socio-political environment will, on present reckoning, take considerable time to remedy. The Department of Personnel and Administrative Reforms should focus on establishing institutions responsible for all personnel matters — appointments, postings, transfers etc. — without any external interference. Also, there is a need for adoption of a robust code of ethics to be followed by those involved in public functioning.

Q6. गाहायाव होनाय सोंलुफोरनि फिन हो :

$10 \times 4 = 40$

(a) गाहायाव होनाय बाश्चाफोरखौ मोनसे सोदोबजों फोरमाय :

$2 \times 5 = 10$

(i) खोथिया फोग्रा जायगा _____

2

(ii) जि दानो रोडि हिन्जाव _____

2

(iii) फिथाइ थायनो रोडि गय बिफां _____

2

(iv) माय जोलै थुमना दोननाय _____

2

(v) दौदिनि गानग्रा दखना _____

2

(b) गाहायाव होनाय बाश्चा फान्दायखौ ओंथि होनानै बाश्चा दा :

$2 \times 5 = 10$

(i) आखाइ गोलाव

2

(ii) खर' गोमोन

2

(iii) खिबु सेरथे

2

(iv) मेगन गुनु

2

(v) बिखा गुवार

2

(c) गाहायनि दाजाबदाखौ बाहायनानै मोननै मोननै बाश्चा दा :

$2 \times 5 = 10$

(i) _____ फोर

2

(ii) _____ मोन

2

(iii) _____ आ

2

(iv) _____ दों

2

(v) _____ जों

2

(d) गाहायाव होनाय बाश्चा फावखी बैखेव :

$5 \times 2 = 10$

(i) सालखुन्थानि रोदा नागिरनाय ।

5

(ii) आदाया आगान नुयो

बाजैया दुरलाय दुरलाय खिन्थाबायो ।

5